

鄱陽縣志卷之七

學校志

鄱故屬吳楚蓋自周鬻熊泰伯始封以迨季札倚相子游陳良荀屈輩吳楚之言學落落相望然皆傳學人而不傳學地即學人亦不傳於鄱自相傳文翁舊宅為漢郡學宮址唐吉中孚陳陶焯赫文苑於是饒學地與學人俱傳然至宋初鄱縣學猶未建學徒亦頗復中衰及范張二守相繼理而縣學乃實創成於周合還淳時所謂舊州北門學基者是也自是或圯或修歷元明入

鄱陽縣志

卷之七

學校

國朝而學人益興而學地不改猗盛矣然則鄱學未立以前鄱人才雖有而不多鄱學既立以後鄱人才無歇而鄱學亦無圯而不葺則學地與學人相關蓋若是重也矧今

盛世尊崇學校上儀超古學政全書載學宮事宜具備有司既以時修謹又

欽頌臥碑及

訓飭士子文廣厲膠庠樂育翹秀數千載一時所在皆然而

鄱固大學也鄱士勉乎哉

府儒學

在府治之西其建造遷徙修葺詳祠廟志

府

文廟

縣儒學 在縣治之東其建造遷徙修葺詳祠廟志 縣

文廟

明倫堂 在文廟後

青雲樓今圯

尊經閣今圯

進德齋今圯

修業齋今圯

魁星樓 在大成門東南

頽池 在大成門前

鄱陽縣志

卷之七

學校

二

櫺星門 在頽池前今圯

順治九年

欽頌臥碑

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非為者子既讀書明理當再三懇告使父母不陷於危亡

一生員立志當學爲忠臣清官書史所載忠清事跡務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長結交勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事只許家人代告不許干與他人詞訟他人亦不許牽連生員作證

鄱陽縣志

卷之七

學校

三

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰
一軍民一切利病不許書生上書陳言如有一言建白以違制論黜革治罪
一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

御製

至聖先師孔子贊

并序

康熙二十五年

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲

此正學所以常明人心所以不泯也粵稽往緒仰遡前
徽堯舜禹湯文武達而在上兼君師之寄行道之聖人
也孔子不得位窮而在下秉刪述之權明道之聖人也
行道者勲業炳於一朝明道者教思周於百世堯舜文
武之後不有孔子則學術紛淆仁義湮塞斯道之失傳
也久矣後之人而欲探二帝三王之心法以爲治國平
天下之準其奚所取衷焉然則孔子之爲萬古一人也
審矣

巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍

鄱陽縣志

卷之七

學校

四

道莫由惟皇建極惟后綏猷作君作師垂統萬古曰惟
堯舜禹湯文武五百餘歲至聖挺生聲金振玉集厥大
成序書刪詩定禮正樂旣窮象繫亦嚴筆削上紹往緒
下示來型道不終晦秩然大經百家紛紜殊途異趣日
月無踰羹墻可晤孔子之道惟中與庸此心此理千載
所同孔子之德仁義中正秉彝之好根本天性庶幾夙
夜勗哉令圖遡源洙泗景躅唐虞載歷庭除式觀禮器
摘毫仰贊心焉遐企百世而上以聖爲歸百世而下以
聖爲師非師夫子惟師於道統天御世惟道爲寶泰山
巖巖東海泱泱墻高萬仞夫子之堂孰窺其藩孰窺其

徑道不遠人克念作聖

御製顏子贊

康熙二十八年

聖道早聞天資獨粹約禮博文不遷不貳一善服膺萬德來萃心齋坐忘其樂一致禮樂四代治法兼備用行舍藏王佐之器

曾子贊

洙泗之傳曾以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

子思子贊

鄱陽縣志

卷之七

學校

五

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

孟子贊

哲人旣萎楊墨昌熾子輿闢之曰仁曰義性善獨闢知言養氣道稱堯舜學屏功利煌煌七篇竝垂六藝孔學攸傳禹功作配

御製訓飭士子文

康熙四十一年

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊

端務合風教修明賢才蔚起庶幾樸棧作人之意乃比
年士習未端儒效罕著雖因內外臣工奉行未能盡善
亦由爾諸生積錮已久猝難改易之故也茲特親製訓
言再加警飭爾諸生其敬聽之從來學者先立品行次
及文學學術事功源委有敘爾諸生幼聞庭訓長列官
墻朝夕誦讀寧無講究必也躬修實踐砥礪廉隅敦孝
順以事親秉忠貞以立志窮經考業勿雜荒誕之說取
友親師悉化驕盈之氣文章歸於醇雅毋事浮華軌度
式於規繩最防蕩軼子衿佻達自昔所譏苟行止有虧
雖讀書何益若夫宅心弗淑行已多愆或蜚語流言脅

制官長或隱糧包訟出入公門或唆撥姦猾欺孤凌弱
或招呼朋類結社邀盟乃如之人名教不容鄉黨勿齒
縱倖脫視扑濫竊章縫返之於衷寧無愧乎況夫鄉會
科名乃掄才大典關係尤鉅士子果有真才實學何患
困不逢年顧乃標榜虛名暗通聲氣夤緣詭遇罔顧身
家又或改竄鄉貫希圖進取囂凌騰沸網利營私種種
弊端深可痛恨且夫士子出身之始尤貴以正若茲厥
初拜獻便已作姦犯科則異時敗檢踰閑何所不至又
安望其秉公持正爲國家宣猷樹績膺後先疏附之選
哉朕用嘉惠爾等故不禁反復惓惓茲訓言頒到爾等

務共體朕心恪遵明訓一切痛加改省爭自濯磨積行
勤學以圖上進國家三年登造束帛弓旌不特爾身有
榮卽爾祖父亦增光寵矣逢時得志寧俟他求哉若仍
視爲具文玩愒勿做毀方躍冶暴棄自甘則是爾等冥
頑無知終不能率教也旣負栽培復干咎戾王章具在
朕亦不能爲爾等寬矣自茲以往內而國學外而直省
鄉校凡學臣師長皆有司鐸之責者並宜傳集諸生多
方董勸以副朕懷否則職業勿修咎亦難追勿謂朕言
之不預也爾多士尙敬聽之

諭追封

鄱陽縣志

卷之七

學校

七

孔子五代

雍正元年

上諭內閣禮部

至聖先師孔子道冠古今德參天地樹百王之模範立萬
世之宗師其爲功於天下者至矣而水源木本積厚流
光有開必先克昌厥後則聖人之祖考宜膺崇厚之褒
封所以追溯前徽不忘所自也粵稽舊制孔子之父叔
梁公於宋眞宗時追封啟宋自宋以後歷代遵循而叔
梁公以上則向來未加封號亦未奉祀祠庭朕仰體

皇考

崇儒重道之盛心修崇德報功之典禮意欲追封五代竝
享蒸嘗用伸景仰之誠庶慰羹牆之慕內閣禮部可會

同確議具奏

諭封

孔子五代王爵 雍正元年

上諭

五倫為百行之本天地君親師人所宜重而天地君親之義又賴師教以彰明自古師道無過於孔子誠首出之至聖也我

皇考崇儒重道超軼千古凡尊崇孔子典禮無不備至朕蒙

皇考教育自幼讀書心切景仰欲再加尊崇更無可增之處故

勅部追封孔子以上五代今部議封公上考前代帝王皆有推崇之典唐明皇封孔子為文宣王宋真宗加封

鄱陽縣志

卷之七

學校

八

至聖文宣王聖父叔梁紇為齊國公元加封孔子為大成至聖文宣王加封齊國公為啟聖王至明嘉靖時猶以王係臣爵改稱為至聖先師孔子改啟聖王為啟聖公王公雖俱屬尊稱朕意以為王爵較尊孔子五代應否封王之處着問諸大臣具奏

諭增學額中額

雍正二年

上諭禮部等衙門及國學諸生治天下之要以崇師重道廣勵學宮為先務朕親詣太學釋奠先師禮畢進諸生彝倫堂講經論學凡以明道術崇化源非徒飾園橋之觀聽也維孔子道高德厚萬世奉為師表其附饗廟庭

諸賢皆有羽翼聖經扶持名教之功然歷朝進退不一而賢儒代不乏人或有先罷而今宜復有舊缺而今宜增其從祀崇聖祠者周程朱蔡外或有可升而附並先賢先儒之後孰當增置五經博士以昭崇報均闢大典九卿翰林國子監詹事科道會同詳考定議以聞再邇年文教廣被由我

聖祖

仁皇帝壽考作人六十年來山陬海澨莫不家絃戶誦直

省應試童子人多額少有垂老不獲一衿者其令督撫會同學臣查明實在人文最盛之州縣題請小學改爲中學中學改爲大學大學照府學額取錄督撫等務宜

鄱陽縣志

卷之七

學校

九

秉公詳查不得徇私冒濫至鄉試解額

聖祖

仁皇帝屢次增廣乙酉戊子等科復於額外加中五經三

名至五十六年而罷以久而滋弊也嗣後各學臣及祭酒司業於錄科時先加面試實在貫通五經生監仍聽以五經應試主考閱文果佳本監取中四名直隸各省大小不一某省應取中幾名著分別詳議定數具奏如無佳文寧缺毋濫會試臨時請旨本監本科鄉試中試着加增十八名朕臨雍講學雖率由舊章然必期於世道文教有益不蹈一切虛文諸臣其各欽遵特諭

諭諱

孔子名 雍正三年

上諭 古有諱名之禮所以昭誠敬致尊崇也朕臨御以來
恐臣民過於拘謹屢降諭旨凡與御諱聲音相同字樣
不必迴避近見各省地名以音同而改易者頗多朕爲
天下主而四海臣民竭誠致敬如此况

孔子德高千古道冠百王以正彝倫以端風化爲往聖繼
絕學爲萬世開太平自天子以至於庶人皆受師資之
益而直省郡邑之名如商邱章邱等今古相沿未改朕
心深爲不安爾等會議凡直省地名有同聖諱者或改
讀某音或另易他字至於常用之際於此字作何迴避
鄱陽縣志 卷之七 學校

一併詳議具奏

諭正士習 雍正四年

上諭 爲士者乃四民之首一方之望凡屬編氓皆尊之奉
之以爲讀聖賢之書列膠庠之選其所言所行俱可以
爲鄉人法則也故必敦品勵學謹言慎行不愧端人正
士然後以聖賢詩書之道開示愚民則民必聽從其言
服習其教相率而歸於謹厚或小民偶有不善之事卽
懷愧恥之心相戒勿令某人知之如古人之往事則民
風何患不淳世道何患不復古耶朕觀今日之士雖不
乏閉戶勤修讀書立品之輩而蕩檢踰閑不顧名節者

亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並且輕視聖賢之書矣士習不端民風何由而正其閒關係極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣蹟請行嚴懲者甚多朕思轉移化導之法當先端其本源教官者多士之儀型也學臣者教官之表率也

教官多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且塞責漫不加察所以倡率之本不立無怪乎士習之不端而風俗之未淳也朕孜孜圖治欲四海之大萬民之衆皆向風而慕義革薄而從忠故特簡督學之臣慎重教官之職欲使自上而下端本澄源以收實效也凡爲學臣者務須持正秉公宣揚風化於教官之稱職者卽加薦拔溺職者卽行叅革爲教官者訓誨士子悉秉誠心如父兄之督課子弟至于分別優劣則至公至當不涉偏私如此各盡其道則士子人人崇

尚品詣砥勵廉隅且不但自淑其身而羣黎百姓日聞善言日覩善行以生其感發之念風俗之不變庶幾其可望也特諭

欽

頒太學訓飭士子文

乾隆五年

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦旣詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末

鄱陽縣志

卷之七

學校

十一

哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰游而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱

子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闇然自修世俗之紛華靡麗無足動念何患詞章聲譽之能奪志哉況卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳

言無裨實用浮譌與時文等耳故學者莫先於辨志志於爲己者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

學額

文學二十名
武學十五名

采芹亭宋時遷學於東湖濱築堤建亭毛滂有記今圯射圃明洪武三年立二十五年重定習射儀永樂三年申文久廢萬曆十六年提學朱廷益舉行本學師生

訂正射禮刊行今未詳

學田明崇禎間知縣饒震元置

皇清康熙間知縣靳乾亨復置

一十七里衙風雨山東園等處田共四十二畝額征早穀租二十五石

五斗糯穀租二
十五石五斗

一韓山田四十畝額征早穀租六十一石

一朱源田四十六畝額征租穀十七石

一波洲湖田地共四十畝額征租穀折銀二十四兩

一縣尾學田正銀三兩五錢六分漕米二石零四升一合

一縣尾儒學祭田正銀一兩九錢九分二釐漕米一担一斗九升七合

鄱陽縣志

卷之七

學校

十四

典籍

欽定上諭一部 十本

欽定四書講義二部 共十二本

欽定詩經一部 共二十四本

欽定書經一部 共二十四本

欽定春秋一部 共二十四本

御纂性理一部 五本

上諭二部 共四十八本

欽定本朝四書文一部 八本

欽定明四書文一部 十四本

部頒儀注 一本

訓飭州縣規條 一本

明史全部

刺錢名世詩 二本

以上舊存

文廟樂章 三本乾隆八年頒

欽定學政全書 共十六本乾隆九年頒

欽定授時通考 共二十本乾隆九年頒

御纂周易折衷 共二十四本

欽定詩經傳說彙纂 共三十二本

鄱陽縣志

卷之七

學校

五

欽定書經傳說彙纂 共二十四本

欽定春秋傳說彙纂 共四十本

御纂性理精義 八本以上俱乾隆十一年頒

御批資治通鑑綱目貳部 每部八套每套十本

通鑑綱目三編一部 四本以上俱乾隆十二年頒

欽定周官義疏一部 共四十九本

欽定儀禮義疏一部 共五十本

欽定禮記義疏一部 共八十三本

御纂周易述義一部 共十本

御纂詩義折衷一部 共二十本

御纂春秋直解一部 共十五本

御製詩初集 共二十四本

御製詩二集 共四十六本

御製文初集 共十本

御製文二集 共十二本

欽定國子監則例一部 共十本

清漢對音 共二本

補笙詩樂譜 共三本

續增學政全書一套 四本

以上俱係新登入志之書

鄱陽縣志

卷之七

學校

十六

附前朝頒降制書 皆久散佚

大誥

祖訓條章

諸司職掌

明律

醒貧錄

稽古定制

洪武禮制

禮儀定式

禮制集要

瘴惡錄

孝慈錄

輔教錄

明律誥

繁文鑑戒

明令

醒貧簡要錄

到任須知

表箋體式

戒教功臣

警頑集

行移體式

為政要錄

禮制榜冊

勸善書

古今烈女傳

行移簡繁體式

論文武羣臣

收儲書史

皆久散佚

周易大全

尚書大全

詩經大全

周禮註疏

禮記大全

春秋大全

論語大全

孝經註疏

左傳註疏

小學註疏

資治通鑑

性理大全

洪武正韻

五倫書

明一統志

禮儀定式

明會典

臥碑

各代史

四書大全

附中丞陳宏謀發學書籍

鄱陽縣志

卷之七

學校

七

綱鑑正史約

大學衍義輯要大學衍義補輯要

孝經註解

小學纂註

近思錄集解

四禮初稿

四禮翼

呂子節錄

養正遺規

從政遺規

鄱學自范文正經始未幾而器資彭公魁天下說者

遂艷稱之夫文正之德在乎崇聖教培士氣揆日觀

泉其末耳器資之可稱在乎立朝有文正風概初不

僅以大魁著也然賢守有作良士應之山靈與人文

若持左券此以知感秋出陰理極不誣第有待而發

耳今殿廡崇深几筵修潔唐鏐州學之像道貌如生

歷代寶藏之書芸香觸手羽籥俎豆又皆協于制而
衷於古其於先王廣厲之意亦庶爲無負已谷風生
景雲起學問事業文章氣節廟名此中者其必有以
應之矣

乾隆己巳黃志